

DISSERTATIO MEDICA ET CHIRURGICA  
INAUGURALIS

DE

OSSIVM VVLNERIBVS  
RITE CVRANDIS

QVAM

*PRAESIDE*

LAVRENTIO HEISTERO

MED. D. SER. DVC. BRVNSV. AC LVNEBURG. A CONSILIIS  
AVLICIS ET ARCHIATRO, PRAXEOS CHIRURGIAE AC  
BOTANICES PROFESSORE PVBLICO ET PRIMARIO, ACAD.  
SCIENT. CAES. NEC NON REG. LOND. AC BEROL.

COLLEGA LONGE GRAVISSIMO FACULTATIS SVAE

SENIORE ET H. T. PRORECTORE

MAGNIFICO

*PATRONO PRAECEPTORE AC PROMOTORE*

PER OMNEM VITAM NON SATIS VENERANDO

PRO GRADV DOCTORIS SVMMISQVE  
IN MEDICINA HONORIBVS

DEFENDET

IN IVLAEO MAIORI

HORIS ANTE ET POMERIDIANIS CONSVETIS

IOANNES GOTTLOB. STVRMIVS

LVBENA LVSATVS

---

D. XXX. MAII M DCCXXXIII.

---


HELMAESTADII

TYPIS PAVLLI DIETERICI SCHNORRII

ACADEMIAE IVLIAE TYPOGR.

Lit. J.

880. 12



43

# K. u. k. Militär - ärztliche Bibliothek

Standort	Zimmer	Kasten	Abth.	
	Kasten		Gruppe	
	L. Nr.		Nr.	





## PRAEFATIO.



uemadmodum omnes nostri cor-  
 poris partes variis sunt obno-  
 xiae morbis, ita etiam ossa, li-  
 cet durissimae atque robustissi-  
 mae eius sint partes, atque sic  
 ob firmiorem fabricam ac  
 compagem malis quibuscunque melius reluctari vi-  
 deantur, quamplurimis laborant, atque ab infinitis  
 laesionibus sive caussis, tam internis quam externis,  
 valde afficiuntur, ita ut Medicorum atque Chirurgo-  
 rum auxilium propterea quam saepissime ab aegris  
 vel eorum amicis desideretur, adeoque et eorum  
 morborum curationes hanc ob causam et Medicis et  
 Chirurgis, praesertim cum non ex levissimis, sed po-  
 tius, ut ostendemus, ex gravissimis ac difficillimis  
 sint, probe debeant esse perspecti, nisi graves errores  
 saepe committere et aegrum in acerbissima mala con-  
 iicere aut omnino perdere velint. *Inter morbos au-*  
A 2
*tem*



*tem praecipuos ossium referenda, meo quidem iudicio videntur, fracturae, luxationes, caries, spinae ventosae, exostoses, tumores, rhachitis, anchylosis et vulnera: De prioribus satis apte egisse deprehendo scriptores rerum chirurgicarum quamplurimos, et praesertim nonnullos recentiores; de ultimis autem scilicet vulneribus ossium, non item, sed potius plerosque admodum imperfecte, aut prorsus inepte scripsisse invenio. Cum autem absoluto studiorum meorum curriculo de argumento mihi cogitandum esset inaugurali, atque haud invenire potuerim, quod ullus hucusque in peculiari dissertatione hanc rem speciatim exposuerit, mihi que ipsi, cum a teneris haud levem operam in arte chirurgica excolenda adhibuerim, varii tales aegri, quibus ossa vulnerata fuerunt, curandi se obtulerint, haud abs re esse existimavi, si utilissimum hoc argumentum, nimis leviter hucusque a multis pertractatum, et tamen adeo frequenter occurrens, curatius excuterem, atque pro themate inaugurali paullo accuratiorum vulnerum ossium curandi rationem conscriberem, id quod etiam pro virili praestare annisus sum. An rem acu tetigerim, aut melius saltem quid prae multis aliis hic praestiterim, penes aequos et rerum harum expertos iudices esto iudicium; ego sub Numinis Omnipotentis auxilio ad rem ipsam, sine ulteriori verborum ambage me confero, et si qua forte in re non omnibus satisfecerim, adeo magno vitio mihi tanquam iuveni, verti non poterit, cum expertissimi quidam in rebus chirurgicis et praesertim in morbis ossium curandis, hucusque, ut hic ostendam, sine defectibus et erroribus non fuerint.*





) 5 (



DISSERTATIO  
MEDICA ET CHIRURGICA  
DE  
VULNERIBVS OSSIVM RITE  
CVRANDIS.

I.

**A**ntequam vero, quid per vulnera ossium intelligam, progrediar, dicendum mihi prius erit, *quid ossium nomine*, utpote de quorum vulneribus mihi hic potissimum sermo erit, intelligam. *Ossium igitur vocabulo* partes corporis humani durissimas et albicantes, fulciendis defendendisque molli-  
bus partibus eiusdem corporis destinatas, intelligo, quorum morbos aut laesiones si nosse et rite comprehendere volumus, prius *eorum fabricam* scire utilissimum erit.

II. *Constant igitur ossa corporis humani*, si anatomicè et quidem in embryonibus sive infantibus iunioribus considerantur, in generationis principio *ex membranacea prorsus substantia*, atque membranas molles ac tenues aemulantur, quae ex variis fibris et *vasis sanguiferis, arteriis et venis componuntur*, quae incrementum et nutrimentum ipsis praebent, quemadmodum hoc non solum HARVAEVS *lib. de generat. animali. Exercit. LVI.* KERKRING. *in osteogenia*, RVYSCHIVS *in Thesaur. anatom. V l. Tab. I. II. et III.* NESBITT *Osteogenia humana*, anglice, atque ultimo loco ALBINVS *in doct. de ossium generat.* libro descri-



pferunt et docuerunt; verum etiam ipse in variis embryonibus per abortum reiectis, quos hinc inde in Academiis Germaniae, ubi studiis operam dedi, ac nominatim Lipsiae, Helmstadii, Goettingae, imo et in Hollandia, Parisiis et in Italia, apud varios Doctores et Professores Medicinae celeberrimos hisce meis oculis vidi atque manibus contrectavi.

III. Hae fibrae autem et membranae molles sicuti in pullo, ita et in homine, sensim fiunt duriores et quasi cartilagineae, atque lamellas osseas primo molliores, sensim vero duriores componunt, donec postea osseae fiunt: hisce vero lamellis sensim aliae ex succo nutritio per arterias advecto, quales in cepis fere observantur, superinducuntur, hisque deinceps rursus aliae atque aliae, quae certis filamentis et fibris inter se vario modo connectuntur et quasi colligantur sive compinguntur, donec denique omnes sensim et per gradus magis magisque indurefcunt, crassiores fiunt ac duriores, atque tandem ossa firma constituunt. Quae vero ossa, quo crassiora, eo plures fibrae et lamellae sibi invicem connexae et compactae sunt, atque eo firmiora ac robustiora inde evadunt. Interea tamen hae fibrae et lamellae ossium, licet arcte inter se iunctae sint et cohaereant, tamen *foraminula, interstitia et meatus inter se hinc inde relinquunt* quamplurimos, rectos, obliquos, longitudinales et transversos, partim ut vasa sanguifera, quae ossibus nutrimentum afferre eaque conservare debent, aptum situm, ingressum atque locum inveniant, per quos ad intimam ossium substantiam imo et ad ipsorum quoque *medullam penetrare* eaque



nutrire et conservare queant; partim ut, si forte fracta aut vulnerata sunt, eadem fere, ut in mollibus partibus ratione, illa restituere, sanare atque glutinare rursus valeant. Atque haec sunt, quae de ossium fabrica doctrinae nostrae de ossium vulneribus eorumque curationi praemittenda necessaria esse duximus.

IV. Ut vero nunc etiam boni ordinis causa thematis nostri *definitionem* exhibeamus, sine qua argumentum nostrum obscurum esset, et haud rite intelligi posset, dicimus, quod *ossium vulnera*, illae dicantur ossium laesiones, *quae instrumentis sive telis acutis*, gladiis nimirum, ensibus, securibus, hastis aliisque similibus rebus eis infliguntur. Atque hae laesiones proprie et stricte ossium vulnera ab Autoribus appellatae sunt et adhuc appellari solent. Quemadmodum vero *vulnerum nomine* non solum eae partium mollium laesiones veniunt, *quae instrumentis acutis, verum etiam, quae obtusis fiunt*, fustibus scilicet, lapidum ictibus, lapsibus aliisque similibus, verum et quae *per machinas ignivomas* sive, ut vulgo vocantur, *sclopetis, glandibus aut globulis plumbeis concitantur*, ita et ex eadem ratione *vulnera ossium dicenda esse arbitror eas ossium laesiones, quae similibus telis aut machinis fiunt*, quae non solum partes molles, verum etiam *duras sive ossa* laedunt vel omnino diffringunt aut comminuunt: adeoque si pleniorum vulnerum ossium definitionem quis a me desiderat, hanc habeto.

V. *Ossium vulnera, latiori sensu*, sunt illae eorum laesiones, quae *vel per tela acuta, modo (§. IV.) indicata,*



cata, *vel et per machinas bellicas*, praesertim *ignivomas*, partibus mollibus simul et ossibus infliguntur. Quod illae, quae per tela acuta concitantur, ossium vulnera dicenda sint, docuerunt iam satis magni in arte chirurgica Professores et inprimis PETITVS Lib. de morb. ossium, et Magnif. Praeses, Praeceptorque meus, in Institut. suis Chirurg. Part. I. Lib. II. c. XI. pag. 216, nemine, quantum novi, adhuc contradicente; quamvis alias vulnerum nomen tantum laesionibus unitatis sive connexionis partium mollium tribuere soliti fuerint scriptores, quae a telis acutis factae erant. Verum quoniam tandem etiam *pro vulnere eas partium mollium laesiones habuerunt*, quae *telis obtusis*, ut fustibus, lapidibus, trabibus, imo et glandibus plumbeis corpori nostro inflictae sunt, unde non solum in bonis scriptoribus chirurgicis de *vulneribus sclopetorum* agi et praecipi solet, verum etiam multi eique integri libri, tam superioribus duobus seculis, quam hoc adhuc de *sclopetorum vulneribus scripti ac editi sunt*; a) adeoque etiam me non erraturum esse existimo, si quoque ossium laesiones, quae ab *instrumentis certis obtusis, eisque praesertim bellicis, ignivomis scilicet machinis*, producuntur, speciatim vero per glandes plumbeas et globos illos ignivomos ferreos, quos *pyrobolos*, Gallice *Grenades*, appellare solent, vulnera vocavero.

VI. Sed obiici mihi posse perspicio, hac ratione,  
 si

---

a) Vt de *sclopetorum* vulneribus, Alfonsus *Ferrius* Romae 4. 1552. Barthol. *Maggius* 4. Bononiae 1552. Franciscus *Rota*, et Leonhardus *Botallus*. 4. Francof. 1575. Franciscus *Plazzonus* 4. Venetiis 1625. aliique.



si laesiones ossium obtusis concitatae instrumentis vulnera ossium sint dicendae, *omnes fracturas ossium vulnera appellari posse* imo deberi; cum haecenus vulnera ossium et fracturae eorum eo distinctae fuerint, quod *vulnera* telis acutis, *fracturae* vero obtusis concitatae dictae fuerint; adeoque eae ossium laesiones, quae obtusis productae fuerint rebus, fracturas et non vulnera esse appellandas.

VII. *Ad hanc vero obiectionem respondeo*, magnam quidem *affinitatem esse inter fracturas et vulnera ossium*, quae obtusis corporibus excitantur; verum eo tamen satis distingui possunt, quod *vulnera ossium instrumentis bellicis*, ensibus nimirum, gladiis, hastis, sclopetis aliisque eiusmodi telis fiant; fracturae vero proprie et stricte sic dictae *sine machinis bellicis*, et ut plurimum *lapsu*, quando scilicet aeger vel labitur quacunque ratione, vel quando corpus grave, ut lapis, saxum, trabs, lignum, muri pars, aliave similia in aegrum illabuntur, ita ut ossa ipsius frangantur. Quando hoc fit sine vulnere, cute scilicet aliisque partibus mollibus integris relictis, *fractura simplex*, sin vero partibus mollibus simul disruptis, *fractura composita*, sive *fractura cum vulnere appellari* consuevit; quibus igitur notis vulnera ossium et fracturae eorum mihi satis distingui posse videntur, praesertim cum et usus vulgaris pro me militet, sicuti §. V. probavi. Interea tamen de nomine vehementer cum dissentiente *altercari* nollem, qui *vulnera ossium* ignivomis machinis bellicis inflicta, *fracturas appellare* aut *ad fracturas complicatas quoque referre vellet*, si modo conveniamus in re atque curatione, quae ta-

B

men



men in plerisque convenire, vel saltem non adeo multum discrepare solet.

VIII. De *caussis* igitur *vulnerum ossium* non est, quod prolixius iam disputemus, cum modo dictum sit, *eas esse instrumenta bellica*, vel saltem res aut tela his similia, quibus ossa vel ex parte vel in totum dividuntur aut percutiuntur, laeduntur, vel diffringuntur, et quidem vel levius, vel vehementius, pro diversitate instrumenti laedentis, vel vis, qua homini vulnerato applicatum fuit, a qua etiam diversa mala sive sic dicta symptomata, nunc leviora, nunc graviora producuntur.

IX. Speciatim vero *ratione symptomatum* adhuc notamus, quod pro diversitate partis, cui vulnera ossium inflicta sunt, quando nimirum vel calvaria, vel nasus, vel maxilla, vel clavicula, humerus, brachium, manus, digitus, crus vel femur, eorumque vel corpus vel extrema laesa sunt, symptomata quoque non eadem, sed diversissima, atque modo leviora, modo graviora, modo vehementissima sint, cum primis si simul ad diversam horum vulnerum magnitudinem et altitudinem sive profunditatem vulneratorumque naturam atque constitutionem, respiciamus. Eae enim ossium *plagae, quae* acutis telis inflictae et *superficiem eorum solum laedunt*, ut plurimum, non nisi levia mala concitant, quibuscunque etiam partibus inflictae sint; *sed si profundius penetrant*, praesertim ea in ossa, *quae nobilioribus ad vitam partibus vicina*, eisque pro munimento a Deo data, ut calvariam, vel costas vel vertebrae, gravissima mala, ex laesis partibus contentis sive propinquis facile deducenda, imo et

*mor*



*mortem ipsam saepe inducunt. Ita si vicinae arteriae aut nervi maiores, aut ligamenta et tendines simul laeduntur, omnia illa mala, quae alias a vulneribus harum partium sequuntur, praesto esse solent. Atque ex his etiam de eventu horum vulnerum haud obscure divinare ac praedicere licet.*

X. Quod ad cognitionem eorum attinet, ea non adeo difficilis esse solet, praesertim iis, qui aliorum vulnerum doctrinam, itemque situm ac fabricam partium corporis humani probe callent; quia sensibus patent atque visu et tactu, tam digitis quam specillis, explorari possunt. Qualia autem illa his ipsis cognitionis mediis deprehenduntur, talia etiam, si eventum quis nosse desiderat, diiudicanda sunt. Adeoque quae levia, parva et haud profunda reperiuntur, hoc est, quae non alte in ossa penetrarunt, praesertim gladio vel ense inflicta, ubi nulla magna arteria, nulla pars nobilis, aut ad vitam vel alios nobiliores usus valde necessaria simul laesa, illa etiam, quemadmodum nulla ut plurimum gravia symptomata, ita etiam parum vel nihil periculi inferunt, satisque facile, si rite procedamus, curantur. E contrario, quae magna et profunda, aut ossa omnino penetrarunt, ea, sicuti graviora symptomata, ita et maius periculum inducunt. Praecipue vero ratione periculi et eventus respiciendum est primo ad partem laesam, eique vicinas partes simul concisas, et deinde prout vel pauciores vel plures earum ab ictu male affectae aut mulctatae sunt. Si enim gladio ossa brachii, humeri, tibiae imo ipsa ossa cranii tantum leviter incisa, aut etiam priora ossa paullo profundius, tamen inde, quia pars



nobilis laesa non est, neque magna arteria, non adeo gravia symptomata sunt metuenda, atque curatio etiam satis commode adhuc succedit. Quando autem penitus dissecta sive dissoluta sunt, longe graviora symptomata et curatio longe difficilior sequi solent.

XI. In primis vero *vulnera cranii ad membranas cerebri aut cerebrum ipsum penetrantia*, ob vicinas has partes ad vitam summe necessarias, periculosissima esse solent; id quod etiam de iis vulneribus, *quae ossa pectoris et vertebrarum penetrant*, et sic deinceps de ceteris, usu et necessitate partium laesarum ex anatome et physiologia cognitis, est iudicandum. *Longe vero plerumque periculosiora illa ossium vulnera esse solent*, quae machinis bellicis ignivomis, speciatim glandibus aut globis plumbeis, vel ferreis infliguntur; quia perquam vehementer collidunt, per-rumpunt, diffringunt ac destruunt partes, quas afficiunt, molles et duras: unde necessario funestiora mala, graviores dolores, inflammationes, gangraenae, sphaceli, adeoque et gravius periculum et difficilior curatio concitantur. Imo hae vulnerum species in capite, quamvis, verbi gratia, *glans plumbea aut globus ferreus ossa cranii vel leviter tantum* etiam attigerit, vehementi tamen illa collisione saepe vel fissura cranii efficitur periculosissima, vel collisionis impetu vasa sanguifera intus rumpuntur, quae sanguinem in cavum cranii, vel supra vel infra duram matrem effundunt: unde quamvis vulnus sensibus leve videatur, (ita ut Germani eam **einen Streiff-Schuss** appellent) tamen funestissima mala et saepe mors ipsa, ut quamplurimi notarunt autores, subsequuntur.

Deni-



Denique etiam *pinguia, axungiae et olea vulgaria expressa, in quibusvis ossium vulneribus sunt vitanda*; quae in carnosis quidem non sunt aliena, in osfium vero quam alienissima: dūm caries aliaque gravissima mala concitare solent.

XII. Quod igitur ad CVRATIONEM *vulnerum ossium* attinet, seorsim aut peculiari capite parum vel nihil in plerisque scriptoribus Chirurgicis vel etiam apud illos reperire potui, qui speciatim de osfibus scripserunt, nisi in Cl. PRAESIDIS, Praeceptoris et Fautoris mei magnopere colendi, *Institut. Chirurg. Part. I. Lib. II. cap. XI. PETITVM* quidem, celeberrimum alias Chirurgum Parisiensem, qui speciatim duo volumina *de solis morbis ossium* conscripsit, per-  
volvi; sed parum, quod operae esset pretium, hac de re in eo deprehendi. Imo, quod miror, dum initio huius libri, nimirum pag. i. Tomi I. *divisionem morborum ossium instituit*, omnesque eorum species, ut par est, recensere cupit, *vulnera ossium prorsus omittit*, eorumque, quasi osfium morbi non essent, *ne mentionem quidem facit*. Nam ita ibidem loquitur. (Referam ipsisissima ipsius verba, ne quid mutasse videar.) *Les Maladies des Os sont de deux sortes; les unes attaquent la substance meme des Os, et les autres n'affligent que leurs jointures. Celles, qui blessent le corps de l'os, sont la fracture, l'exostose, la carie, la molesse et la courbure; et celles qui blessent leurs jointures, sont la goutte, l'anchilose, le cliquetis, les entorses et les luxations. Habes et vides hic omnes morbos, quos Petitus in osfibus observari, vel in ea incidere refert; nullam vero prorsus, ut iam dixi, men-*



*tionem facit vulnerum ossium, quae tamen tam corpus ipsum ossis, quam etiam iuncturas eorum afficiunt. Adeoque ex hoc fundamento tertia classis morborum ossium PETITO erit constituenda, quae non solum corpus, sed etiam iuncturas aggrediuntur; ad quam vulnera ossium, imo et caries ac spina ventosa merito referuntur, ubi amplam adhuc de his differendi inveniet materiam.*

XIII. Sed praeterquam hic in generalissima morborum ossium divisione nullam de vulneribus aut plagis ossium mentionem facit, *etiam in toto reliquo libro, five duobus illis voluminibus, speciatim de morbis ossium conscriptis, nihil de iis reperio expositum, nisi quod quasi per transennam et obiter de iis Tom. II. pag. 279. edit. Paris. secundae et seq. Cap. de fractura tibiae cum vulnere differit, quando ait: La fracture avec une plaie faite par un instrument tranchant se traite differement, il faut rejoindre d'abord la plaie par un bandage unissant, si elle est en long; et si elle est fort oblique ou transverse, on fait la suture: l'on se sert du bandage a 18. chefs jusqu' a l'entiere reunion de la plaie: Quorum verborum sensus est, sicut Cel. PRAESES loco antea citato, p. 217. ea vertit, quod in eiusmodi ossium laesionibus, si secundum longitudinem inflictae sunt, orae vulneris sint coniungendae, et fascia, quam unientem vocant, curandae; quae vero valde obliquae vel omnino transversae, futura et fascia, quae octodecim capita habet, sint glutinandae: atque his mox subiungit PETITVS, quod hanc methodum etiam feliciter successisse observaverit in brachio acinace fere integro dissecto, imo et in ipsa maxilla*



*xilla.* Praeter haec nihil prorsus apud ipsum de ossium vulneribus in aliis partibus reperio.

XIV. Quoniam vero haec a PETITO *proposita vulnera ossium curandi ratio mihi admodum manca*, et in variis, imo forte quamplurimis ossium plagis *baud sufficiens*, sed potius saepe prorsus inidonea et incongrua videtur, quaeque propterea tironibus chirurgiae in eiusmodi casibus facile errandi occasionem praebere, vel saltem ita eos confundere potest, ut quid agere debeant, dubii haereant, vel prorsus ignorant, melius mihi ea placent, quae saepius iam laudatus HEISTERVS ad ossium vulnera varii generis curanda in Institut. suis chirurgicis peculiari capite, Part. I. lib. II. cap. XI. proposuit, ad cuius praecipue ductum iam hoc curandi negotium ea, qua potero, brevitate propositurus sum.

XV. Quando igitur *vulnera ossium, acutis instrumentis facta, occurrunt leviora*, quae non alte in ossa penetrarunt, five ea sint in cranio, five in fronte aut naso, five in maxillis, five in scapula vel clavicula, five in osse brachii, cubiti, vel cruris, praesertim si directa sunt, five secundum longitudinem inflicta, vel parum saltem obliqua, *purgato prius vulnere a sordibus, orae ipsius mox sunt iungendae*, ne ossa ab aëre male afficiantur, emplastris glutinantibus longis et angustis probe firmandae, fascia uniente, si commodè ea applicari potest, vel si haec non quadret, alia idonea deligandae, atque hac ratione, ope essentiae vel balsami vulnerarii, vitando oleosa et pingua, utpote ossibus inimica, quotidie vel alternis diebus

im-



immissi, sananda. Vberius hac de re etiam legi potest saepius iam nominatus Praeses lib. cit. pag. 130. ubi de frontis, et pag. 141. ubi de cranii vulneribus agit.

XVI. *Quando autem vulnus ossis altius penetret, et quidem speciatim in calvaria ad ipsius usque cavitatem, quamvis etiam directum sit, modum tamen curandi a PETITO traditum, quod scilicet orae vulneris fascia uniente mox sint iungendae, lequi, varias profecto graves ob rationes nollem: quia saepe vel frustula ossium dissectorum, vel sanguis, vel alia corpora peregrina, in vulneris fundo haerent, quae, si nimis cito orae vulneris iungerentur, et glutinentur, gravissima post haec mala et haud raro mortem ipsam, culpa chirurgi, qui vulnus eiusmodi profundum nimis cito glutinasset, et non satis bene antea purgasset, inducere possent, eique sic postea et quidem iure causa mortis adscriberetur. Adeoque alia ratione et cautius longe haec profundiora et periculosiora ossium vulnera curanda esse existimo, et quidem prima vice linamentis carptis aridis implenda, spleniis crassis obtegenda, haecque fascia idonea deliganda ac firmanda; in sequentibus vero deligationibus vulnus probe mundandum, linamentis primo unguento digerente, postea balsamo vulnerario imbutis fovendum, idque tandem probe mundatum, adductis et coniunctis plagae oris, probe glutinandum.*

XVII. *Sic et in vulneribus ossium levioribus, tam obliquis quam transversis, non semper et promiscue, ut PETITVS docet, sutura est necessaria: multo minus fascia*



*fascia 18. capitum*, utpote quae in capite, facie, digitis variisque aliis partibus haud apta vel idonea est. Nam profecto *multa vulnera cranii obliqua occurrunt, quae sine sutura, imo et sine fascia 18. capitum*, ut quilibet facile intelligit, *egregie curari possunt*, et quidem solis balsamis et emplastris glutinantibus, una cum simplici quadam fascia, quae oras eorum iunctas servat, si modo in singula deligatione, quae autem rara esse debet, vulnus balsamo apto vulnerario nutritur. Atque eadem ratione *vulnera haud adeo profunda et simpliciora* in reliquis capitis ossibus, *ut in maxillis et naso, in claviculis et scapulis*, in ossibus humerorum, brachiorum, manuum, digitorum, crurum, pedum, aliarumve partium simplici admodum ratione sanari possunt.

XVIII. Sed *ubi frustra cutis vel carnis ita dependet*, vel carnes sive muscoli simul dissecti sic distant et hiant, ut ad se invicem sine sutura satis adduci, vel ope emplastrorum glutinantium *coniuncti recte retineri nequeant*, tunc ope *suturarum per acum et filum iungendae erunt*. Alias *suturae* hae, ob dolores aliave incommoda, *quantum fieri potest, sunt vitandae*, et cum primis etiam *in facie*, ob turpes, quas praeter dolores ibi facile relinquere solent, cicatrices.

XIX. Si os digiti manus gladio ita dissectum est, ut digitus vulneratus, tantum ex cute vel carne dependeat, laudatus Praeses neque futuram neque fasciam 18. capitum adhibuit, sed frustra ossis accurate rursus coniunxit, vulneris oras emplastello angusto circumducto firmavit, spleniolum spiritu vini succi-  
C dum



dum, superimpofuit, fruftulum vel lamellam anguftam chartae crasfiffimae vel ligni tenuis, loco ferulae, pro offe diffecto in aequali fitu confervando, fupppofuit, et omnia fasciola fimplici idonea in hoc fitu firmavit, manumque in mitellam de collo fufpenfam, quietis atque fic melioris fanationis cauffa immifit. Hanc deligationem per aliquot dies reliquit, et, ut fe tranquillum gerat, aegro commendavit. Poftea fasciam cautiffime folvit, fpleniumque blandiffime removit, relicto adhuc emplafiro, atque fufientato interim digito per miniftrum in fitu recto, ne frufta coniuncta a fe invicem recederent, digitum laefum a fordibus purgavit, vulneri effentiam vulnerariam five balsamicam inftillavit, fplenium fpiritu vini madidum, una cum fruftulo illo chartae crassae, ferulae five fufientaculi munere fungente, rurfus subiecit, atque fasciola, ut antea, omnia firmavit. In hoc ftatu digitum hunc vulneratum denuo per aliquot dies reliquit, et iterum ita deligavit; denique remoto primo emplafiro, novum circumdedit, et deinceps fingulis fere tribus diebus, ut prima vice, eum deligavit, donec quatuor hebdomadam fpatio et os et cutis, adeoque totus digitus glutinata fuerint.

XX. Præterea cafum proponit, quo cuidam *os alterum ex cubiti offibus enfe difcifsum erat*, quod ut plurimum *ulna*, quia hæc inter dimicandum quam maxime, ad avertendum a capite vel collo periculum, ictui opponitur, effe folet, oftenditque, quod hic futura quoque haud opus fit; verum quod vulneri mundato balsamica tantum medicamenta fint immittenda, quibus linamenta eodem remedio imbuta



buta superimponit; postea emplastrum continens, porro splenium et ferulam ex charta crassa vel ex ligno idoneo, hæcque omnia fascia simplici firmat, atque brachium e collo ope mantilis vel linteï idonei suspendit. Vulnus postea, nisi permultum puris fundat, alternis tantum diebus deligat, *atque sic id sine sutura*, quam hic potius alienissimam cum ipso credo, glutinat.

XXI. Atque ita etiam, si *alterutrum ex ossibus cruris gladio aut falce esset discissum*, curatio est instituenda, nisi quod hic, sicut in ossibus his fractis, fascia 18. capitum pro deligatione loco vulgaris commodius adhibeatur, quia aegri decumbunt; quæ tamen etiam in cubiti osse alterutro dissecto, si placet, uti possumus. In *tibiæ autem vulneribus*, si in parte anteriori sunt, cum ibidem sola cute tecta est, vix sutura opus erit; contra, quando in posteriori et *crassiores surae muscoli* simul dissecti sunt. *Nunquam vero suturae sine necessitate adhibeantur*: quia, ut facile coniecturare licet, dolores, inflammationes, spasmos aliaque mala sæpe concitare solent.

XX. Quando os femoris incisum, tunc, quia hi muscoli valde robusti alia ratione coniungi adeoque et glutinari non possent quam *sutura*, hæc utique hic adhibenda, et vulnus deinde balsamicis est deligandum, donec glutinatur. Sed *si totum divisum*, divisa ossa sibi invicem adaptanda, vulnus balsamicis remediis, emplastris, spleniis, fascia 18. capitibus atque ferulis probe deligandum, pes deinde in ita dictum lectulum stramineum, quem Galli vulgo *fanons* appellant, sicuti in ossium pedum fracturis

C 2

fieri



fieri solet, reponendus, atque ut in aliis fracturis curandus.

XXIII. *Sic si os humeri ictu gladii vel ensis caesim facto esset dissectum*, eandem ob rationem partes molles futuris sunt coniungendae; verum fascia simplex satis longa et lata, mea sententia, quia firmitus comprehendit, pro deligatione aptior erit, quam illa, quae 18. habet capita: brachium deinde ope mantilis five mitellae e collo prudenter suspendendum et cetera in curatione eadem sunt facienda, quae hactenus in aliis eiusmodi vulneribus proposuimus. Si vero, facta futura, post aliquot dies perspicimus, partes carneas utcunque esse glutinatas, *fila suturarum sunt dissecanda* atque blande *extrahenda*, et postea reliquum balsamicis, spleniis et ferulis, ut in simplici fractura moris est, glutinandum, mutata alternis diebus, quam diu vulnus pus fundit, ligatura.

XXIV. *Cubiti atque cruris ossa* vix ambo simul ictu instrumenti acuti integra refecari possunt, quin non simul totum membrum, vel saltem arteriae omnes brachii refecentur, aut carnes et cutis tam levi tantum nexu cum reliquis cohæreat, ut destructis arteriis, vel ex haemorrhagia brevi, antequam Chirurgus advocari queat, moriantur, vel saltem partes inferiores vivere, et conservari amplius nequeat, adeoque rarissime in eiusmodi casibus medelae locus superest, nisi partis inferioris omnimoda ablatione, et, ut post amputationes eiusmodi membrorum moris est, curatione. *Si tamen forte fortuna ita acciderit, ut carnes reliquae adhuc arteria notabili sint instructae*, cohibito sanguinis fluxu per ligaturas disse-

ctarum



ctarum arteriarum, carnes futuris et emplastris glutinantibus curiose sunt combinandae, fascia 18. capitum deligandae, et postea, ut in praecedentibus dictum est, curandae. Contra *si hae partes tantum leviter frustulo forte solum cutis adhuc cohaerent*, prorsus *mox resecandae sunt*; quia hoc ad tantum membrum nutriendum atque conservandum haud sufficit, et sanguis postea stypticis vel arteriarum ligatura, ut post consuetas harum partium amputationes fieri solet, sistendus, ac postea eodem modo glutinandae.

XXV. Si *maxilla inferior, clavicula, vel scapula* instrumento secante *disrupta sunt*, ut fractura harum partium spleniis, ferulis et fasciis curandae; ita tamen, ut alternis vel tribus demum circiter diebus fascia blande et provide semel solvatur, vulnus mundetur, balsamicis remediis foveatur, et postea ut in fracturis cum vulnere, quam solertissime curetur.

XXVI. *Vulnera ossium, quae punctim infliguntur*, praesertim in cranio, maxime iuxta tempora, vel in orbitis, ob cerebri facilem laesionem et foramen cranii angustum, per quod plerumque satis purgari nequeunt, aliasque rationes periculosissima sunt; id quod et de *eiusmodi sterni vulneribus* est sentiendum, propter viciniam cordis et pulmonum. Quando autem hae partes nobiles non sunt laesae, atque curationi locus est, vulnera quaecunque punctim inflicta, si valde angusta, scalpello, quantum satis esse iudicatur, dilatanda, postea quotidie et quidem subinde iniectionibus vulnerariis purganda, atque balsamicis fovenda, donec glutinentur, sicut supra §. XV. diximus.



XXVII. *Vulnera ossibus per machinas ignivomas, five pulverem pyrium, glandes plumbeas, minores et maiores, globos ferreos, globos ignivomos disruptos (grenades) inflicta, et praesertim si articulos laeserunt vel penetrarunt, difficillima producunt mala, et difficillimae sunt curationis. Interea tamen, quando haec ossa non integra iis diffracta, praemissa partium vicinarum contusarum, atque crusta five eschara nigra, sub qua sanguis effusus haeret, obduetarum apta scarificatione, atque vulneris ab officulis collisis, vestimentis, glandibus plumbeis aliisque rebus peregrinis purgatione, quibus alias gravia saepe inducuntur mala, eadem quasi ratione tractanda; sed si omnino diffracta, praegressa scarificatione et ab inutilibus purgatione modo commendatis, postea sicut fracturae cum vulnere, respiciendo semper ad symptomata et potissimum gangraenam ac cariem, hisce vulneribus valde frequentes, partiumque varietatem sunt curandae. Speciatim vero glandes plumbeae ossibus infixae, volsellis, uncis vel terebris educendae. Saepius haec vulnera, si ossa nimis collisa, amputationem maturam desiderant, alias aegri sphacelo moriuntur.*

XXVIII. *Vbi vero pars, et cum primis manus, brachium, crus aut femur globo tota est ablata, hoc autem vix nunquam tam aequaliter fiat, ut non spinae aut festucae quaedam ossium remanentium inaequales, ex perrupto osse prominentes, una cum sanguinis profusione inveniantur, quae, si relinquerentur, cariem conciperent, et deligationem atque glutinationem vulneris vehementer impedirent, opus est, ut eae, praemissa ligatura arteriarum maiorum san-*  
gui-



*guinem fundentium*, quae in huiusmodi vulneribus ceteris cohibendi sanguinem modis merito praefenda, vel *forcipibus idoneis*, vel *serrulis* auferantur, partes contusae five crusta involutae probe scarificentur, frustula ossium iam soluta, tollantur, et quae successu temporis inter deligandum se adhuc offerunt, perpetuo examinantur, truncus ossis ablati postea, sicut post consuetas artificiales harum partium amputationes fieri mos est, deligandus: deinceps digerentibus remediis sub quavis deligatione ab impuris et corruptis partibus semper purgandus, ac denique, vulnere purgato, balsamicis hoc consolidandum.

XXIX. *Multa exempla* utriusque generis vulnorum ad modo dicta illustranda, tam ex clariss. PRAESIDIS, quae in castris, Anno 1707. ad 1709, in Belgio austriaco et alibi vidit, quam ex aliorum meisque observationibus hic proferre possem: attamen ne dissertationis limites transgrediar, sufficiat nunc unicus eiusmodi, isque admodum *peculiaris et notatu dignissimus* casus vulneris ossium capitis sclopeto facti, qui ante paucos annos se mihi obtulerat curandus, quem ob rariora ac difficiliora, quae se in eo manifestarunt, et phaenomena et symptomata hic exponere, atque cum artis chirurgicae studiosis communicare, ab instituto meo non alienum esse credidi.

XXX. *Illustrissimus scilicet quidam Comes*, annos natus novendecim, temperamenti sanguineo-cholerici, An. 1738. d. X. Octobris hora matutina sequenti modo, machina ignivoma, quam *sclopum* seu *sclopetum*, Germanice *Flinte* / gallice *fusil*, vulgo appel-



appellant, dum baculum, quo glandes plumbeas ad fundum harum machinarum impellere solent, dentibus extrahere conatur, machina vero, quae satis larga pulveris pyrii et magno globulo plumbeo onerata erat, forte fortuna solvitur sive exploditur, quo ipso sequenti modo per os et cranium misere ad mortem usque vulnerabatur.

XXXI. *Glans seu globulus plumbeus cum omni pulvere pyrio, per dextrum oris latus, magna vi intra-*bat, et in sinistro latere post aurem rursus egrediebatur. In facie nulla fere laesio apparebat, sed in loco exitus post aurem sinistram vulnus aderat cum globulo fere conveniens. Verum in ipso ore aspectus erat teterrimus: et quidem in dextro apicis linguae latere vulnus oblongum pollicis unius et dimidii, in quod auricularis digitus inferi poterat; deinde in sinistro linguae latere ex opposito aliud se offerebat vulnusculum. Ceterum vero totum os et fauces a pulvere pyrio ita adustae et nigrae erant, ut nihil ibi ob combustionem dignosci potuerit, aegerque multum sanguinis primis horis amiserat.

XXXII. Primo die cum trihorio post factam vulnerationem hanc infelicem adventabam, sanguis quidem iam steterat; sed illustrissimum aegrum | ob magnam sanguinis profusionem ac perpeßum terrorem valde debilem viribusque fere omnibus exhaustum deprehendi. At cum malum in ore examinare vellem, *os vix ac ne vix quidem aperire, imo et nec loqui potuerat. Pulsus erat celer*, atque altera vice tunc gravi horrore sive frigore corripiebatur. Hoc in statu sequenti ratione vulneris huius periculosissimi,

mi,



mi, praemissa periculosa prognosi, *curationem aggressus* sum.

XXXIII. *Principio* operam dedi, ut, quicquid praeter naturam in ore deprehendebam, educerem, atque os ac fauces bene purgarem, educta simul *per venas pedis* apta sanguinis copia, ad inflammationes maiores, gangraenam, aliaque mala, in his laesionibus metuenda, praecavenda. Postea ipsum in lectum reposui, eique *decoctum hordei citratum* pro potu ordinario et pro lubitu bibendum dedi, infimul pulverem temperantem ex lap. 69. citratis, nitro et cinnabari nativa ex hoc potu per intervalla exhibui, atque, ut quiesceret, suasi.

XXXIV. Post aliquam quietem etiam *vulnus post aurem purgare*, illudque, antequam inflammatio superveniat, paululum scarificare et scalpelli ope dilatare necessarium iudicavi. Sed dum hoc facere tentabam, *multa a glande plumbea comminuta sensi* crepitare in vulnere *ossiculorum frustula*, quae aegro dolores satis vehementes concitabant. Igitur vulnus hoc linamentis carptis leniter contortis et unguento digestivo inunctis obligavi, et *tumori*, qui vulnus atque vicinam colli partem iam occupabat, *sacculos herbis digerentibus*, ut herba serpilli, betonicae, organi, maioranae etc. repletos et in vino coctos, superimposui.

XXXV. *Circa vesperam* eiusdem diei aeger illustrissimus *valde deprehendebatur debilis*, et difficulter spiritum ducebat; id quod potissimum ex inflammatione faucium aucta et multa ibi suborta pituita fauces opplente, provenire iudicabam. Quare *deco-*

D

ctum



*ctum ex herbis digerentibus* cum melle rosarum conficiebam, quod ope syringae subinde in fauces iniiciebam, quo singulis vicibus multum pituitae illius viscidae, putridae, foetidae et nigricantis eluebatur. Noctu aeger parum dormire poterat, sed *sui vehementiori urgebatur*; cui non solum supra (§. XXXII.) laudatum decoctum opponebam, sed huic adhuc spiritum nitri dulcem, ad blandum acorem instillabam. *Iniectiones per syringam* in fauces noctu aliquoties repetebam, et per intervalla quoque pulverem temperantem, (nam mixturas averfabatur,) ipsi porrigebam.

XXXVI. Die XI. Octobris, qui alter erat morbi dies, *inflammatio ac tumor*, ut fieri plerumque solet, *crescebant*, aeger *in perpetuo fere sopore decumbebat atque difficulter spirabat*. Ingens vero semper levamen ab iniectione percipiebat, utpote qua semper larga pituitae et sordium, ab ambustione concitatarum, e faucibus copia eluebatur atque eiiciebatur; et quoniam *alvus iam ultra biduum obstructa erat*, *clyisma* ex speciebus emollientibus cum oleo, vitello ovi et sale iniici curavi, quod egregie alvum exoneravit, atque aeger paullo melius postea dormivit. *Fauces simul intus melle rosarum* spiritu vitrioli parum impraegnato, postquam os aliquanto melius aperire poterat, saepius quoque detergebam.

XXXVII. Die XII. Octobr. *symptomata adhuc augebantur*, et inprimis *colli tumor*; cui quidem alteram venae sectionem oppositurus eram: verum quia alii hoc dissuadebant, omittebatur, et medicamenta solum temperantia et diluentia, praeter iniectiones per hunc  
et



et sequentem diem, una cum clystere adhibebantur. Die XIV. æger fere mori videbatur, dum pituita faucium foetidissima et pulverem pyrium simulans, tanta irruebat copia, ut ipsum quasi suffocaret: hinc siphonem vix e manu dimittere poteram. Aeger neque loquebatur, neque iudicii ulla tunc amplius signa edebat.

XXXVIII. Verum die XV. mane circa horam tertiam *paululum rursus ad se redibat*, et duos Theæ haustulos assumebat; pituita autem nondum imminuebatur. *Vulnus externum hodie demum pus coctum dabat*, aegroque, qui hætenus nihil cibi assumserat, *iuscula nutrientia exhibebantur*, circa noctem vero ob alvum obsiructam, clyisma. Die XVI. vulnus, quod valde se contraxerat atque angustum factum erat, sponsia praeparata paululum dilatabam, et cum specillo illud postea explorarem, *ossicula libera crepitantia varia eo percipiebam*; quæ vero nondum tuto prehendere aut extrahere poteram. Ergo interea cum digestivo unguento et sacculis prædictis deligationem continuabam. Quia vero *hodie de dolore capitis conquerebatur*, capillos refecabam, et cucupham, ex speciebus pro cucupha, capiti imponebam, nocteque sequenti melius dormiebat.

XXXIX. Die XVII. *pus admodum foetens atque copiosum e vulnere post aurem effluebat*, hinc, ne materia corrupta ossa adhuc sana eroderet, aquam vulnerariam Gallorum, (*L'eau d'arquebusade* vulgo dictum) cum aloes essentia iniiciebam, id quod aeger cum levamine ferebat, hocque per XVIII. XIX. et XX. diem cum fructu continuabam. Die XXI. *mane*



*frustulum ossis spongiosum*, digiti fere latitudine, e vulnere prodibat, eodemque die *vesperi tria* adhuc alia *minora frustula* protrahebam, cum initio nihil deprehendere potuerim. Die XXII. nulla quidem ossium frustula, sed *multa materia putrida*, quam quatuor cochlearia vix cepissent, profluebat. D. XXIII. vulnus, quod augustari denuo coeperat, iterum spongia dilatabam, rursusque *aliquot frustula ossis* comminuta educebam. D. XXIV. rursus paullo maiusculum officulum cum larga satis puris foetidi copia, et vesperi denuo aliquot exigua, protrahebam.

XL. Die XXV. *omnia in melius se convertebant*, materia proveniebat parcior, et vix vel parum foetens, tumor colli una cum rubore ac dolore valde minuebatur, aeger hac nocte et sequentibus benedormiebat: itaque praedicta ratione ab hoc die usque ad finem fere Novembris continuabam, ulcus diligenter mundando et balsamicis fovendo. Quandoque *clysmata*, quandoque *potiunculam laxantem* ex fol. senn. rhabarb. crem. tartari, et manna, interdum pilulas lenes *pro alvo aperienda ipsi dedi, quia nunquam sponte hoc in morbo solvebatur*. Tandem cum nulla amplius officula sentirentur, tumor colli disparuisset, vulnus purum esset, et bona caro indies succresceret, sensim vulnus ope balsamicorum glutinavi, nihilque amplius, facta glutinatione, mali supererat, quam aliquis dolor circa iuncturam maxillae inferioris, atque os haud sine incommodo aperire poterat, sicuti post eiusmodi laesiones fieri facile solet.

XLI. Interea, quia levia haec erant incommoda, Illustrissimus rursus in aedibus prodeambulabat,



imo et templum, quamvis me absente et inscio, diebus festis, frequentabat, atque quotidie fere cum amicis ad mensam bene prandebat: adeoque, sicuti in eo rerum statu sperari poterat, bene rursus valebat. Eo autem tempore cum omnia in salvo esse viderentur, ab hoc ad alium illustrissimum Comitem avocabar. Sed postquam per sex hebdomades in illo statu sanus vixerat, nescio utrum victus erroribus, an aëris inclementia, dum absens fueram, *febri quasi tertiana corripiebatur*, atque tres paroxysmos perpatiebatur, quo tempore vulnus post aurem recrudescebat, sponte rursus aperiebatur, et aliquid puris prodibat, sed nulla ossium frustula sentiebantur. Attamen febris haec, quamvis etiam Medicus vicinus in consilium vocaretur, *in continuam acutam cum doloribus in sinistro pectoris latere, transibat*, ex qua, nocte inter diem XVI. et XVII. Ianuarii an. 1739, mortuus est. His autem genuinis et honestis Medicis manifestum esse existimo, aegrum non vitio vel errore meae in vulnere hoc sanando adhibitae curae; sed potius ex febre nova, post tertium a vulneratione mensem demum superveniente, mortuum esse. Atque haec *pro specimine de vulneribus ossium* nunc dicta sufficiant, Deoque T. O. M. pro praestito auxilio humillimas persolvo gratias.





